

Atuakkialerinemik internetikkut paasissutissiisarteq

Atuagaateqarfik atuagaannarnik avatangersimaneqanngilaq. Kulturikkulli neqerooruterpaalussuarnik sammisaqartitsinernillu avatangersimaneqarpoq, avammut siammarternissaasa nuannersuunissaannik, pissanganartuunissaannik qanilaartumillu misigiffiunissaannik pisariaqartunik. Taamaattumik atuakkialerinemik internetikkut paasissutissiisartutut sulilersussamik isumassarsiullaqqissumik, pilersaarusiorsinnaasumik, oqaatsinik, kulturimik kinaassutsimillu ataqqinnilluni neqeroorutitsinnik siammarterisartussamik suleqatissarsiorpugut. Atorfinittoqassaaq oktobarip 1-ianni 2026 imaluunniit kingusinnerusukkut pisinnaavoq isumaqatigiissuteqarnikkut.

Suleqatigiinnut Sammisassaqaartitsisunut attuumassuteqassaatit, atuagaateqarfiup sammisassaqaartitsinissaanik, saqqummersitsinissaanik internetikkoortitsisarnissaanillu suliaqartassallutit. Atuagaateqarfimmili sulisunik allanik siammasissumik suleqateqartartussaavutit. Taakku immikkut kulturimik atuagaateqarnerullu paasissutissiisutigisarnissaanik siammarternissaannullu tunngasunik suliaqartarput. Ulluinnarni suliarisartakkatsinnik inuit attaveqatigiittarfiisigut, nittartakkatsigut atuagaateqarfiullu iniutaanni tamanut ammatitatigut paasissutissiillutit siammarterisarnissamik akisussaaffeqassaatit. Atuakkanik pisiniarnermut taakkulu avammut siammarternissaannut tunngatillugu piffissami pisunik pingaartitsineq, tamatiguussuseq pitsaassuserlu pingaartippavut.

Tamatuma saniatigut suliniutinik annertuunik arlalinnik suliaqarpugut, soorlu Repair Café, inuusuttunut suliniut titartakkanullu tunngasumik festivalertitsinissatta suliarinera.

Nittarsaassisarnernut tunngasunik suleqataasassaatit.

Nuannaarutigineqarsinnaasunik, innuttaasunut attuumassuteqartunik namminerlu isumassarsiannik avammut paasissutissiisinnaavit?

Atortorissaarutitut saqqummiussisarfiusunut arlalinnut tunngatillugu tamakkiisumik isiginnissinnaallutillu pilersaarusiorduarsinnaanermik piginnaaneqarpit?

Nutaanik eqqarsarsinnaassuseqarpit, nutaaliorinnaassuseqarlutit saaffigisanullu naleqquttumik ilisimatitsinnaalluarlutit?

Taava tassaasinnaavutit ujartugarput.

Pingaarnertut suliassarissavatit

- Atuagaateqarfiup inuit attaveqatigiittarfiutaanik ataqatigiissaarineq, ulluinnarni atuagaateqarfimmut tunngasunik nuannersunik inuppalaartunillu

isiginnaagassiaaraliortarnermi aqutsisuuneq ilanngullugu

- Nittartakkatsinnik ataqatigiissaarineq, piffissami pisunik pingaartitanik pitsaasunillu imalinnik nittartakkatigoortitsisarnissamik ukkataqarneq

- Avataaneersut suleqatigalugit nittartakkatsinnik katak.gl-imik ingerlatsineq ineriartortitsinerlu

- Inuit attaveqatigiittarfiinik nittartagartaatsinnillu ineriartortitsineq

- Atuagaateqarfiup atorniagassaataanik siammasissumik nutaaliorlunilu nittarsaassisarnissaq

- Atuagaateqarfimmi inimi tamanut ammatitamiittumi skærmimik ujaasiffissiamik nutarterisarneq

- Atuagaateqarfiup ammanerisa nalaani aalajangersimasumik atorniartunut vagtiusarneq.

Atuisartunik siammasissumik ilisimannilissaatit avammullu paasissutissiisarnissannut naleqqussassallutit.

Naatsorsuutigaarput:

- Atuagaatilerisutut DB/cand. scient. bibl., cand. mag. imaluunniit tassunga naleqquttumik ilinniagaqarsimasuussasutit – ilinniagaq naleqquttoq tassaasinnaavoq tusagassiortoq, attaveqatigiinnermut tunngasumik ilinniagalik, kulturimut attuumassutilimmik nittarsaassisarnermik ilinniagalik imaluunniit assingusut arlaat
- Inuit attaveqatigiittarfiinut tunngatillugu attaveqatigiinnermik nalinginnaasumik misilittagaqassasutit
- Canva atorlugu ilusilersuinnermik filmilianillu aqqissuussinnermik suliaqarsinnaassasutit
- Teknikikkut piginnaasaqassasutit nittartakkatsinnillu sullissisartut suleqatigalugit nittartakkatsinnik ingerlatsinissamik ilinniartissinnaassasutit
- Annertuumik IT-mik piginnaasaqassasutit (aamma databasilerisinnaaneq periarfissaavoq) aamma nutaanik ilinniarnissamut piumassuseqassasutit – atuagaateqarfiup qarasaasiatigut atortuinik ilisimasaqareersimaguit iluaqutaassaqaaq
- Nutaaliorlutit siammarterisinnaanermik isumassarsiatsialappassuaqassasutit assigiinngitsunillu nutaalorsinnaanermik misilittagaqassasutit.
- Oqalunnikkut allattariarsornikkullu qaffasissumik piginnaasaqassasutit
- Kalaallit kulturiannik ataqqinnittuussasutit najukkamilu inuiaqataasunut suleqateqarusuttuussasutit

Kalaallit oqaasiinik ilisimasaqarnissat iluaqutaassaaq, piumasaqaataanngilarli.

Neqeroorutigaaqut

- Atorfik pissanganartoq unammillernartorlu
- Nunatsinni kulturikkut suliniartunut inerisaaqataassaatit
- Suleqatit piginnaasaqarluartut, misilittagaqarluartut sulerusussuseqartullu suleqatigissavatit
- Inuttut suliffimmilu ineriartornissamut kiisalu nammineq inuttut ineriartornissamut periarfissagissaartoq
- Suliffik ataatsimoorfiusoq, ammasoq inussiarnersumillu oqaloqatigiissinnaanermik pingaartitsisoq
- Suliffik pissanganartoq ineriartorfiusoq, illoqarfimmi kusanartumi inissisimalluni sunngiffimmi susassaqaarnissamut periarfissaqarfiullunilu pinngortitami kusanaqisumi misigisassaqaarfiusoq

Uagut pilluta:

Nunatta Atuagaateqarfia Nuummi innuttaasunut atuagaateqarfiuvoq nunatsinnilu qitiusumik atuagaateqarfiugami innuttaasunut tamanut sullissisuulluni. Illoqarfiup qeqqani inissisimanermini innuttaasunit kikkunnilluunniit atorluarneqartarpoq.

Suliffeqarfik suleqatigiinnut sisamanut agguataarneqarpoq: Suleqatigiit Groenlandica, Suleqatigiit Nunarput, Suleqatigiit Sammisassaqaartitsisut aamma Suleqatigiit Kiffartuussisut. Atuagaateqarfiuvugut aqqissuussinerpassuarnik ingerlatsisartut, Unnuk Kulturiarfik atuakkiortumillu malunnartitsineq ukiumoortumik ingerlanneqartartut aqqissuunneqartarlutik. Illoqarfiullu kulturikkut pikialaartitsinerani peqataarusuttarpugut, soorlu Nuummi Suialaa Arts Festivaleqaleraangat.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput. Qinnuteqartoq uppersaataatallinnik piginnaasalik immikkut siunnersortit, siunnersortit pisortaatusut siunnersortaanertulluunniit isumaqatigiissutit naapertorlugit

atorfinitsinneqarsinnaasarpoq.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.